



ZYRA E INSPEKTORIT TË LARTË UNIVERSITETI “ ISMAIL QEMALI”, VLORË
TË DREJTËSISË

Nr. 154/3 Prot., datë 27/01/2023

Nr. 165 Prot., datë 27/01/2023

**MEMORANDUM BASHKËPUNIMI
NDËRMJET
ZYRËS SË INSPEKTORIT TË LARTË TË DREJTËSISË
DHE
UNIVERSITETIT “ISMAIL QEMALI”
VLORË**

Janar 2023

Sot më datë .01.2023, lidhet ky memorandum ndërmjet Palëve:

Zyra e Inspektorit të Lartë të Drejtësisë, me Adresë: Bulevardi "Dëshmorët e Kombit", Godina nr.13, Tiranë , përfaqësuar nga z. Artur Metani, Inspektor i Lartë i Drejtësisë,

dhe

Universiteti "Ismail Qemali", Vlorë me Adresë: Lagjja "Pavarësia", Rruga "Kosova" Kodi Postar 9400, Vlorë, përfaqësuar nga Rektori i Universitetit "Ismail Qemali", Vlorë Prof.Dr. Roland Zisi, këtu e në vijim "Universiteti"

Palët në këtë Memorandum, duke pasur parasysh fushat e përbashkëta të interesit me synim rritjen e ndërgjegjësimit të publikut dhe rritjen e transparencës në raport me misionin kompetencat dhe përgjegjësitë Zyrës së Inspektorit të Lartë të Drejtësisë; duke vlerësuar bashkëpunimin e ndërsjellë, në funksion të punës së përbashkët, me qëllim forcimin e bashkëpunimit për edukim ligjor dhe komponentëve të tjerë të përbashkët; duke marrë për bazë vullnetin e dyanshëm, për të krijuar mundësi dhe ura të reja bashkëpunimi, që ndihmojnë të dyja palët të ndërmarrin nisma të përbashkëta; duke shprehur besimin e thellë, që ky bashkëpunim do të konkretizohet edhe me nisma dhe mekanizma të tjerë të përbashkët në të ardhmen, bien dakort për nënshkrimin e saj, si më poshtë:

Neni 1

Objekti i Memorandumit

1. Ky Memorandum ka për qëllim zhvillimin e një kuadri bashkëpunimi mes Palëve.
2. Palët pajtohen që të zhvillojnë veprimtari dhe programe të përbashkëta, me qëllim thellimin dhe shkëmbimin e njohurive në fushën e drejtësisë, që kanë për synim konkretizimin e mandatit të palëve me iniciativa të përbashkëta.

Neni 2

Aktivitetet e bashkëpunimit

1. Palët pajtohen të zhvillojnë aktivitetet e bashkëpunimit si vijon:
 - a. Organizimi i aktiviteteve të përbashkëta në fushën e drejtësisë, përfshirë nisma që kanë karakter akademik, hulumtues dhe të shkëmbimit të përvojave të nevojshme;
 - b. Shfrytëzimin e kapaciteteve të përbashkëta për ndërtimin e programeve edukuese, që i shërbejnë komunitetit të studentëve;

- c. Mundësinë e praktikës për studentët e Departamentit të Drejtësisë, pranë Zyrës së Inspektorit të Lartë të Drejtësisë;
 - d. Organizimin e tryezave dhe ligjëratave, që kanë në fokus edukimin ligjor dhe profesional;
 - e. Organizimin e aktiviteteve të tjera të përbashkëta, duke pasur parasysh funksionin e palëve.
2. Angazhimi i studentëve të Departamentit të Drejtësisë në punë praktike, në kuadër të veprimtarisë së Zyrës së Inspektorit të Lartë të Drejtësisë do të bëhet duke pasur parasysh rregulloret e brendshme të institucionit.
 3. Departamenti i Drejtësisë merr obligim, që sipas nevojës t'i përgjigjet Zyrës së Inspektorit të Lartë të Drejtësisë, në aktivitete të përbashkëta dhe të ofrojë ekspertizën e personelit akademik, varësisht nga vlerësimi i përbashkët.

Neni 3

Personat e kontaktit dhe komunikimi mes Palëve

1. Palët caktojnë nga një ose më shumë anëtarë të stafit të tyre, si persona kontakti, me përgjegjësi për mbajtjen e të gjithë komunikimit dhe shkëmbimit të informacionit dhe përgatitjes së nevojshme për zbatimin e këtij Memorandumi.
2. Palët komunikojnë me shkrim, sa i përket koordinimit dhe përgatitjeve të nevojshme lidhur me aktivitetet e bashkëpunimit të parashikuara në nenin 2 të këtij Memorandumi, si dhe në përgjithësi lidhur me zbatimin e këtij Memorandumi.
3. Komunikimi mes Palëve do të jetë në formë zyrtare shkresore ose përmes postës elektronike, duke mos përjashtuar format më të shpejta të komunikimit.
4. Palët do të njoftojnë menjëherë njëra-tjetrën, në rast se ndryshohet personi i kontaktit.

Neni 4

Kohëzgjatja e Memorandumit

Ky memorandum lidhet për kohë të pakufizuar.

Neni 5

Ndryshimet e memorandumit

Ndryshimet e këtij Memorandumi bëhen me shkrim, me miratimin e të dyjave Palëve.

Neni 6

Zgjidhja e mosmarrëveshjeve dhe përfundimi i Memorandumit

1. Palët zotohen që të zgjidhin çfarëdo mosmarrëveshje lidhur me interpretimin ose zbatimin e këtij Memorandumi përmes konsultimeve miqësore e në mirëbesim mes Palëve.
2. Secila Palë mund të tërhiqet nga ky Memorandum në çdo kohë, përmes njoftimit me shkrim Palës tjetër.

Neni 7

Hyrja në fuqi

1. Ky Memorandum hyn në fuqi në datën e nënshkrimit nga përfaqësuesit e të dy Palëve.
2. Memorandumi përgatitet dhe nënshkruhet në 2 (dy) kopje origjinale, ku 1 (një) kopje depozitohet pranë Zyrës së Inspektorit të Lartë të Drejtësisë dhe 1 (një) kopje depozitohet pranë Fakultetit të Shkencave Humane dhe Drejtësisë, Universiteti "Ismail Qemali", Vlorë.

Nënshkruar në _____ më _____, në dy kopje origjinale, në gjuhën shqipe, me vlerë të njëjtë juridike.

PËR ZYRËN E INSPEKTORIT

TË LARTË TË DREJTËSISË



ARTUR METANI

INSPEKTOR I LARTË I DREJTËSISË



PËR UNIVERSITETIN

"ISMAIL QEMALI"



ROLAND ZISI

REKTOR

